



佛門必備課誦本

佛陀教育基金會

印贈

佛門必備課誦本

佛院教育基金會

印贈

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五五二年／西元二〇〇八年二月

佛門必備課誦本

恭印五〇〇〇本
CH610-7073

發行人：林國營

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(02) 2395-1198

傳真：(02) 2399-1341

劃撥戶名：財團法人佛陀教育基金會

郵局劃撥帳號：〇七六九四九七九

銀行名稱：台北富邦銀行東門分行（請於電匯或轉帳後告知本會用途）

銀行帳號：五八〇二一〇一九三三一三

本會經書免費結緣之請取方式如下：

(一) 親臨本會三樓講堂。(二) 利用傳真：(02) 23965959

(三) 撥打電話：(02) 23951198分機：11、12、13

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站C號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→222、297

開南商工→208、295、297、0南、15、22、671

行政院新聞局出版事業登記證局版臺業字第三八六九號

法器點版符號說明

本書中所載之經讀，均有註明版眼符號，俾初學經讀者容易學習。所註符號代表下列二點：

- 一、表示使用之法器。
- 二、表示唱誦時間之長短（即音樂上之所謂拍數）。因此學者只須記得音的高低，便得依所註符號敲打法器。並以表示之拍數唱誦，如此反覆練習，即得純熟。茲略分別舉例於後：

一、符號表示法器

- ◎ 大磬
- ▽ 捺大磬
- 鼓
- ⊖ 大鐘
- ⊕ 鐘鼓合敲
- ⊗ 大磬與鐘同敲
- ⊘ 大磬與鼓同敲

- ⊙ 引磬
- ⊚ 一吊鐘
- ⊛ 大鐘

符號注在字之左邊者，係指第三遍。唱偈讚時，木魚與鼓同敲。如用鐺鈴，則鐘可不敲。鐺子即照吊鐘符號式，鈴子即照鼓式。

二、符號表示拍數：

- 在時間上約等於樂譜之 (二拍)
- 在時間上約等於樂譜之 (一拍)
- 在時間上約等於樂譜之 (半拍)
- 在時間上約等於樂譜之 (二拍)
- 在時間上約等於樂譜之 (一拍)
- 在時間上約等於樂譜之 (半拍)

即

○ || — || — ○ ○ ○ || — || — ○ || — || — ○

(各同為兩拍)

例如：第一〇四頁爐香讚中

諸佛悉遙聞熏 (各同為兩拍)

第一四〇
頁三行
僧伽耶衆中尊五德師六和侶 (各段同為四拍)

附玉琳國師因課誦示衆

二

師云。邇來魔強法弱。亦以上無嚴師。故容邪謬之徒。插足宗門。多是學宗旨。論宗旨。虛擬宗旨。一味妄穿妄鑿。妄卜妄度。從上綱宗。面目儼然。何嘗夢見。所以言言會旨。步步迷宗。即如一等無慚愧漢。妄稱自己亦是臨濟兒孫。開口便道。垂慈必有法。無法不垂慈。臨濟宗有玄有要。有權有實。有照有用。有主有賓。而竟把叢林正務。及兩堂課誦。皆曰此只是應點故事。可將就些。必當少念佛。方像師祖門下客。吁嗟乎。我不知此等人。面皮厚多少。若道是泛常故事。有礙祖道。則豈當不念。何得云少念及將就些。若如此隨順俗套。將就故事。豈是大丈夫作人天眼目。與佛祖爲師者之所爲耶。我今誠實指示。此輩暗短流俗阿師。且莫誇是祖師門下客。莫虛稱會宗旨。莫別求所以爲人。既欲明宗旨。且莫當面嗟過。莫拈一放一好。教你知報恩這裏。即兩堂課誦。便有玄有要。有權有實。有照有用。某上座有時一聲佛如金剛王寶劍

。有時一聲佛如踞地獅子。有時一聲佛如探竿影草。有時一聲佛不作一聲佛用。亦有殺。亦有活。亦有縱。亦有奪。亦有主。亦有賓。亦如清涼地。亦如大火聚。背之則受諸苦惱。觸之則燒卻面門。饒人左之右之時進時退。或邪或正。或是或非。或行解相應不相應。或見地透脫不透脫。不消別施勘驗。只者兩堂課誦。都料簡詳悉也。凡在報恩者。切莫以課誦出坡爲虛應故事。須知無不是佛祖祕密法。無不是佛祖之總持門。無不是佛祖之不傳心要。無不是佛祖之自利利人捷徑。若道別有宗旨。別有佛法。別有好知解。更欲假借趙州念佛漱口之說。以圖避懶。妄擬議人。則先謗他趙州。爲不要人念佛。又以報恩念佛作念佛會。則真可憐生。你若果真是箇人。能各出手眼。別樣設施爲人去。某上座自識得你。不要你類我。若你等道必要恁麼。我又不恁麼也。祇如我恁麼事。無不具玄要權實照用主賓縱奪。你作麼生會。敢妄擬議耶。凡爲魔所攝。毒氣深入者。一任你別去學佛法。學宗旨。多生分別異樣揀擇。他日眼開自知負墮。如我同志。真實學道者。切須立定腳跟。努力行持。莫爲魔惑。其或獅子蟲。定不輕縱以亂清規。

示要

原夫法界智心。實爲一相。眾生機感。方便多門。是以如來說法四十九年。談經三百餘會。悉從法身無相心中流出。而普應萬類者也。良以佛心清淨。含容法界。而眾生只在法界之內生滅流轉。殊不知眾生心體亦本清淨。包羅十虛。則諸佛亦在眾生心內往來示現。故觀經云。諸佛如來法界身。入一切眾生心想中。眾生心想佛時。是心即是三十二相。八十種好。斯之謂也。雖然。眾生尙迷。諸佛正悟。非佛出世。眾生安知本具智性。智既沈迷。煩惱生死。莫可窮極。由是釋尊成道於寂滅場。現圓滿相。廣演圓滿法界妙智。大根眾生頓入圓乘。次於鹿苑。說四諦法。小機之類。得真空理。超出輪旋。次說方等。恢揚四教。三乘之人。隨機得道。次演般若。顯圓空性。令三乘機銷鎔我法。廣行六度。次集靈山。宣揚妙法。開前四時之權。顯今一圓之實。是以三乘皆蒙授記。六凡咸入妙玄。猶百川之匯海。眾星之麗天。後說涅槃。重爲末代扶

律談常。是爲五時設教。無非爲一大事因緣故。出現於世。開示眾生悟入佛之知見。普得圓滿佛果而後已。然而入根既殊。法門亦多。所以大法東來。自漢至唐。前後諸師別開八宗二行。而晉遠公。闢蓮宗於廬山。儒道咸歸。嗣後解脫之士。多於他宗。斯爲禮誦不易之軌。再幸唐宋諸祖。遞集教中顯密諸文。則晨夕功課尤備。宗雖各立。總未越斯。令惰者勤。勤者益進。應機之廣。端在是夫。

吾人從有生以來。即有業種。由業招報。地藏經云。舉心動念。無非是罪。由種發種。以業積業。六道障緣。輪轉無窮。匪藉禪誦禮懺。詎能消除。況緇流既入道門。不事王侯。不耕不織。唯賴檀那。若不於道加功。則難消信施。趙州大師有曰。今生不了道。披毛戴角還。更閱經教。警語頗多。靡非佛祖悲愍。智者觀之。實用悚慄。故二課。功豈自利。且與法界眾生。同得阿耨多羅三藐三菩提。閱者思之。慎不可以其近而忽之。

凡念誦者。身要端肅不懈。口要念誦貫徹。意要注心不移。則三業與三止相合。至若身能恪恭不怠。口能出音明爽。意能隨文作觀。則三業與

三觀相契。三止三觀。如鏡鑑象。嘗無簡擇。然能纖毫不遺。此則我心與聖心感應道交。如水投水。以空合空。可謂功溥法界。量等虛空矣。散心時。未知自心動與非動。禪誦時。纔覺雜念紛紛。欲靜反動。良由無始習氣種子。潛伏藏識之中時時發現。動時不知。靜之則見。塵劫習種。豈易卒除。必宜注心一境。或觀字句。或聽自音。從始泊終。猶將守塞。刻刻不懈。如斯正念覺治。雖有雜想。亦漸消除。念入無念。或有智者。即可隨文入觀。能觀所觀。體即實相。又能反覺。妄無所從。習種非有。則能念所念。禮自空寂。當念即是離念精明。是故若智若愚。但肯攝心一境。久後自得精純。由是增明。感應懸契。

妙臂菩薩所問經云。行人若欲持誦速得悉地義利成就者。所有儀法不得纖毫缺犯。使諸魔障而得其便。是故行人。當心持誦。長時無閒。使觀想、真言、字種、一一精熟。事事相應。方成瑜伽無作妙行。又持誦者。不得心緣異境。與人雜語。誦若閒斷。悉地不成。又誦不依儀法。或不持戒。或不清淨。非唯法不成就。亦當招損。彼部主明王。皆佛菩薩。終不瞋害。所有侍從天龍猛毒鬼神。見其過故。便即損害。金剛頂瑜

伽念誦經云。凡修瑜伽教者。須具智慧。明了三昧及真言法。住菩薩戒。發菩提心。如是功德。許人念誦。菩薩善戒經云。受持神咒。五不得爲。一食肉。二飲酒。三五辛。四淫事。五在不淨家飲食。具此五戒。能大利益眾生。能治惡神毒病。法苑云。道俗誦持。無功效者。自無志誠。謗言無徵。或文字譌替。或音韻不典。或飲酒噉肉。或雜食葷辛。或觸手污穢。或浪談俗語。或衣服不淨。或處所不嚴。八種法戒。致令鬼神得便。翻受其殃。若欲行持每須澡浴。口嘗含香。志誠殷重。普爲六趣。發心匪懈。如是至意。定驗不疑。顯密圓通云。金剛頂蘇悉地。準提經等。皆說行者用功持誦。或夢見諸佛菩薩聖僧天將。或夢見自身觸空。乘馬渡江。種種香光。及諸異相。若得如是應驗。則須策發三業。加功晡念。不得宣說咒中境界銜賣與人。唯同道者。不爲名利敬讚方便說之。大悲經云。若人緊切念時。或逢種種魔障。或忽然怕怖身心不安。或多瞋多睡舌難持誦。或見諸異相。或於咒疑心。或多分別想。或無明著有。若對治者應觀梵書嚩字_ॐ。或觀阿字_唵。彼諸境想自然消滅。當知因緣法本空也。

著相進修。則成有漏人天之善。功居自利，則成無漏二乘之善。自他均益。則成無漏法性之善。念所念空。自他平等。心包太虛。量週沙界。則成無上佛道之善。是故修持者。務須大心普益。懺悔文云。我今發心不爲自求。正斯謂也。

二課諸文。悉屬大乘藏攝。如楞嚴咒。是佛頂光聚無上寶印。大悲十咒等。俱是神妙密義圓利眾生。彌陀經。純淨四土攝化有情。大懺悔。懺除九界無始業種。蒙山文。普超法界六道群靈。念佛。總攝所誦功德回向淨土。如百川歸海。作是觀者。句句圓該。章章互攝。何往而不利哉。

諸方課誦稍有異者。以彼諸祖立宗不同。無非率眾了脫爲急務。或有智愚而勤者增。慕道尙切故。而惰者減。志亡出離故。又有趣務而從減。出家而未讀。甚至佛殿生塵。香燈絕迹。嗚呼末世流弊。形似沙門。心染俗事。壞佛宏規。何啻負於聖心。抑且自招業累。學者思之。

功課者。儒所謂事有成效曰功。試計程限曰課。又謂定治事之課程。以期成績者曰功課。然我釋氏之言功課者。謂計功於三寶之程度。以爲日

用之準式也。夫學非儀軌則殆。道非課程則罔。良以吾人。無始障緣疊疊。不無退惰之情。設非程限。安進妙道。是以諸祖。特立早晚二課。俾學者縱有雜務。其課不忒。若得觀想精純。則道樹增長。佛果非遠矣。

早課綸貫

行人先究全課文義貫通。以便誦持起觀。復當平時定心純熟。否則境雜心亂。觀想難成。故於晨早萬境未動之際。心猶恬靜。整衣即起。念佛頂楞嚴心咒。治五欲於未萌。速期心精通溜直顯如來藏妙真如性。所謂寂然不動感而遂通也。加持大悲神咒。滌諸心垢。如意寶輪王咒。心垢既淨。悟同體之大悲。轉如意之法輪。消災吉祥咒。災消吉至。法輪更得自在。功德寶山咒。吉既心現。居法性山獲功德寶。準提咒。猶恐法性難顯。深消理障。方使果遂。決定光明王咒。得果遂已即求光明王如之智壽。藥師灌頂咒。智壽已發更如琉璃內含寶月。流光灌頂。觀音靈

感咒。深契觀音法界耳根。靈感無窮。如月照而且寂。寂而且照。七佛滅罪咒。猶恐本業朦朧。智月難明。須滅無始業根。往生咒。根本業淨。希彌陀灌頂。如證淨土。善女天咒。總上妙觀。共成法性妙用。所願果遂。然諸密咒。既入妙觀。當知皆是一心所成恐著觀境。故加般若心經。直指心體本空。無智境可得。空相亦空。智境歷然。非一非異。二邊絕待。三觀圓融。以上十二密咒。及一顯經。互該互攝。以此功德。總申回向三寶龍天。普及四恩三有。八難三途。國泰民安。檀增福慧。三門清淨。十地頓超。故結回向偈。然後念佛。以求實證。當知念一佛則諸佛咸趣一佛。一多互攝。自他相融。末以三皈。全收上諸顯密功德。結成自性三寶。不假外皈。全顯一心大總相法門。爾則何遇非如來藏哉。

暮課綸貫

早以心精通溜爲要。暮則直取淨土爲宗。良由人多夙業。工用稍進。即

有魔障。若非精心陰發豈易除障驅魔。故於境寂心情之時。咒則易靈。若於暮時。應總攝眾善。歸趣淨土。可謂造功於始。歸德於終。故於暮時。首念彌陀經。使悟極樂依正之妙境。特勸專持名號之正因。正欲眾生厭離娑婆之極穢。欣取樂邦之全淨。往生咒。即希彌陀來住我頂。拔除業障根本。證我果決往生。雖然。行人心雜。障非易除。必依懺悔文發願云。我今發心。不爲自求。乃至願與法界眾生。同得菩提。禮誦八十八佛。懺悔無始業根。普賢願偈。重廓前願。得二諦融通海印三昧。已而設放蒙山。廣濟幽冥。般若心經。使悟罪福無主。人法雙亡。了達實相。往生咒。重蒙彌陀舒光灌頂護念。六道變爲淨土。有情即證十地。然後念佛回向。以取實證。終結三皈。從始至終所有諸善。一一消歸自性三寶。當願法界眾生。發無上心。同圓種智。二時祝讚。祈禱韋馱諸天。伽藍等神。擁護三寶。禦侮以安正道。

問、此圓妙不思議觀。唯與上根。中下之根。復當如何。答、但當一心自聽。字字分明。或直觀其文而不昏散。所觀所聞雖有生滅。能觀能聞如鏡不遷。楞嚴云。聲無既無滅。聲有亦非生。生滅二圓離。是則常真實。正斯謂也。

問、用功時欲息反亂。以何對治。答、任他想起。只消當念提醒。注心不移。如貓捕鼠。曾無一念放鬆。設又散去。當念挽回。挽回不已。綿綿密密。自成一片。楞嚴云。動靜不移。憶忘如一。當從此處漸次深入。以至忘境忘心。及忘亦忘。至於寂滅。而證法性。問、乏力及病。或遇善惡增盛之境。前念雖是。後念即非。經年累月。不能攝念。如何。答、夙障濃厚。智不得力。須發勇猛。投誠懇切。禮大懺悔。要待障滅。智方得力。是以古人肯死心踏地或終身。或數十年。刻刻不離當念。故明心有期。今人下手未穩。便欲成工。豈易易哉。良由無始業習。如滿法界。若非久遠精勤，曷克攝心。如湧泉四十年尚有走作。香林四十年方成一片。古人尚非易易。中下根人豈能速成。故當立志堅固。障除心純。自成妙觀。

佛門必備課誦本目次

玉琳國師因課誦示衆

示要

早課綸貫

暮課綸貫

目次

禮佛儀規

朝時課誦

(三一—三五)

香讚 (實鼎香)

楞嚴咒

大悲咒

十小咒

心經

回向偈·讚佛偈

念聖號

發願文

三皈依

善女天咒

韋馱讚

禮祖

禮觀音文

暮時課誦

(三六—三七)

阿彌陀經

往生咒

大懺悔文

蒙山施食

讚佛偈

念聖號

發願文

警衆偈

拜願

三皈依

大悲咒

伽藍讚

二時臨齋儀

(三九—四一)

普佛儀規

(四二—四三)

釋迦文佛

一、香讚 (戒定真香)

二、念誦 三、讚偈 (佛寶讚)

四、繞念 五、拜願

六、三皈依

藥師佛

(藥師讚)

阿彌陀佛

(彌陀讚)

(慈雲淨土文
十方三世佛)

彌勒佛 (彌勒讚)	八七
觀音菩薩 (觀音讚)	九〇
普賢菩薩 (普賢讚)	九三
文殊菩薩 (文殊讚)	九五
大勢至菩薩 (勢至讚)	九八
地藏菩薩 (地藏讚)	一〇一

佛七儀規 (二〇四—二九)

香讚	一〇四
長生位前安位	一〇五
往生位前安位	一〇六
佛前大供	一〇六
往生位前薦食	一一〇
往生位前廻向 (晚課後)	一一一
大同向文	一一一
禮祖 (淨宗祖師)	一一七

念佛堂日課(二〇—三)

精進佛七儀規

(三二—三三)

●附錄

應用諸讚語(二三—二七)

香讚

香纒蒸	一二三
戒定香	一二三
心香五分	一二四
心然五分	一二四
珍香乍蒸	一二四
寶鼎香	一二二
戒定眞香	七七
爐香乍蒸	一〇四
栴檀海岸	一五一
三寶讚	一五一
佛寶讚無窮	一二五
法寶實難量	一二五

僧寶不思議

三寶廣無邊

佛面猶如淨滿月

供養讚

虔誠獻香花

香花燈塗菓

十方一切利

祝延讚

唵阿穆伽

唵捺摩

唵嘛吃叭囉吽

佛功德不可量

各種讚

釋迦文佛

八十八佛

藥師教主

阿彌陀佛